

六
典
通
考

六典通考卷三十五

湖西閭鎮珩輯

宮政考

宮車

命婦附

巾車王后之五路重翟錫面朱總厭翟勒面纁總安車彫面
鷩總皆有容蓋重翟重翟雉之羽也厭翟次其羽使相迫也
畫之不龍其韋安車坐乘車凡婦人車皆坐乘故書朱總爲
鷩鷩或作鷩鄭司農云錫馬面錫總當爲總書亦或爲總鷩
與兩總容謂鷩車山東謂之裳幃或曰幢容元謂朱總纁總
其施之如鷩總車衡轡亦宜有焉纁畫文也蓋如今小車蓋
也皆有容有益則重翟厭翟謂蔽也重翟后從王祭祀所乘
厭翟后從王賓饗諸侯所乘安車無蔽后朝見於王所乘謂
去飾也詩國風碩人曰翟蔽以朝謂諸侯夫人始來乘翟蔽
之車以朝見於君盛之也此翟蔽蓋翟車貝面組總有握翟
厭翟也然則王后始來乘重翟乎

六典通考卷三十五

不重不厭以翟飾車之側爾貝面貝飾勒之當面也連車組

輓有翟羽蓋連車不言飾后居宮中從容所乘但漆之而已

小蓋爲翳日也故書翟爲駢杜詩衛風翟茀以朝翟翟車

子春云當爲翟書亦或爲駢詩衛風翟茀以朝翟翟車

車茀蔽也正義曰夫人以翟羽飾車茀車蔽也婦人乘車不

露見車之前後設障以自隱蔽謂之茀因以翟羽爲之飾

齊侯使公子無虧戍曹歸夫人魚軒魚軒夫人車正義曰詩

云象弭魚服此云魚軒蓋其皮可以飾器物者唯魚獸耳故

云以魚皮爲飾陸璣毛詩義疏云魚獸似豬東海有之其皮

背上有斑文腹下有純青今人以爲弓韉步又者也其皮雖

乾燥爲弓韉矢服經年海水將潮及天陰毛皆起水潮還及

晴則其毛復如故雖在數千里外可以知海水之潮自相感

也

禮書先儒謂重翟當玉路后從王祭祀先王先公羣小祀所乘者也衛侯夫人始嫁翟茀以朝蓋厭翟也則王后始嫁重翟可知厭翟當金路后從王賓饗諸侯者也王姬下嫁於諸侯車不繫其夫下王后一等不得乘重翟則上公與侯伯夫人乘厭翟可知安車后朝王之車諸侯夫人亦應乘此以朝君翟車王后出桑及三夫人與三公夫人同乘翟車九嬪與孤妻同乘夏篆二十七世婦與卿妻同乘夏纁女御與大夫妻同乘墨車士妻攝乘乘亦墨車非攝則棧車而已諸侯以下夫人祭祀賓饗出桑及朝君皆可知也輦車無面飾無蔽幄漆之而已說文曰有輻曰輪無

輻曰輊鄭氏釋巾車曰輦車輊輪釋雜記曰輊崇蓋半乘車之輪重翟重其羽而不厭厭翟次其羽而不重翟車則不重不厭以羽飾之而已五路言翟言車而不言路避王也二翟言翟而不言車不車不足以名之也孤言夏篆卿言夏綬至墨車以下然後言車是亦飾盛者以飾名飾祿者以車名也重翟錫面厭翟勒面安車彫面翟車貝面鄭司農曰錫馬面錫鄭康成曰勒面如玉龍勒之韋爲當面飾然則錫面者錫飾馬面勒面彫面貝面蓋亦若此勒面以韋則錫面彫面貝面以韋可知錫必鏤之則彫面亦鏤錫可知錫面彫面以金貝面以貝則勒面有錫亦可知鄭司農曰鷩總青黑色以緇爲之總著馬勒直兩耳與兩

鑣康成曰朱總續總其施之如鷩總車衡轆亦宜有焉詩
曰朱幘鑣鑣毛氏曰人君以朱纒鑣肩汗且以爲飾此朱
總也組總則纒鑣而已非必肩汗也施之直馬耳與衡轆
不可知朱色純纒色雜鷩色青黑安車之轡取象於鷩者
以其在涇在沙而安故也三車取飾於翟者以其守死而
不犯分被文以相質故也翟車有幄無容蓋輦車有翼蓋
無蔽安車無翼無蔽輦車無面飾無蔽幄漆之而已婦人
不立乘謂之安車則五路皆安車特於無翼無蔽者命之
曰安車以其不飾羽與四者異

漢皇后鴛輅青羽蓋駕四馬旆九旂 後漢太皇太后皇太
后皇后法駕皆御金根車重翟羽蓋加青交絡帷裳其非法

駕則乘紫罽輶車雲縠文畫輶黃金塗五末

五末輶一轂二箱二其五也

蓋施金花駕三馬左右駢

應劭漢官儀明帝永平元年光烈皇后葬魂車駕輅青羽蓋駕四馬

族九旂前有方相鳳凰車此因前漢舊制也

長公主赤罽輶車大貴人貴人公主

王妃封君油畫輶車大貴人加節畫輶皆右駢而已公列侯中二千石二千石夫人會朝若蠶各乘其夫之安車右駢加交路帷裳皆阜非公會不得乘朝車得乘漆布輶輶車銅五末

漢中太僕掌皇太后與馬皇太后遊宮中所駕輶車謂之小馬車漢廐有果下馬高二尺以駕輶師古曰小馬可于果樹下乘之故號果下馬宋書志云輶車或使人輓或駕果下馬漢成帝欲與班婕妤同輶是也後漢陰

就外戚駙貴亦輦并丹譏之曰昔桀乘人車豈此邪然則輦夏后氏末代所造也并丹譏陰就乘人而不云僭上豈貴臣亦得乘之乎未知何代去其輪傳玄子曰夏曰余車殷曰胡奴周曰輜車輜車卽輦也

晉皇后乘重翟羽蓋金根車加青絡青帷裳雲襜畫轅黃金塗五末葢瓜施金華駕二馬左右駢其廟見小駕則乘紫闕軒車飾及駕馬如重翟非法駕則皇太后乘輦皇后乘畫輪車先輦乘油畫雲母安車駕六驄馬

驄淺黑色
驄音貴

油畫兩轅安

車駕五驄馬爲副又金博山駢紫絳闕車駕三驄馬三夫人油駢車駕兩馬左駢其貴人加節畫輦三夫人助輦乘青交絡安車駕三皆以紫絳闕駢車九嬪世婦乘駢車駕二長公

主赤罽輶車駕兩馬公主王太妃皆油輶車駕兩馬右駢公主油畫安車駕三青交絡以紫絳罽輶車駕三爲副王太妃三夫人亦如之公主助蠶乘油畫安車駕三公主有先置者乘青交絡安車駕三諸王妃公太夫人縣鄉君諸郡公侯特進夫人助蠶乘皂交絡車駕三諸郡公侯監國嗣子之世婦侍中常侍尚書中書監令卿校世婦命婦助蠶乘皂交絡安車儼駕郡縣公侯中二千石夫人會朝及蠶各乘其夫之安車皆左駢皂交絡皂帷裳自非公會則不得乘朝車王妃特進夫人封君安車駕三皂交絡封縣鄉君油輶車駕兩馬右駢

宋皇后法駕乘重翟先蠶乘油畫雲母安車元嘉中東宮儀

云中宮僕御重翟金根車

大明元年九月丁未朔有司奏未有皇太后出行副車定數下

議正博士王褒之議周禮后六服五路之數悉與王同副車之制不應獨異皇太后既禮均至極彌不應殊謂並應同十二乘通

開爲允詔可

公主安車以赤絳屬輅車爲副駕三九嬪世

婦輅車駕一王妃特進夫人封君皂交絡安車駕三其貴人

公主王妃封君油輅駕二右驂公列侯中二千石夫人會朝

及蠶所乘依漢故事

齊皇太后皇后重翟車

金塗梭具白地人馬錦帖相隱膝後戶白牙的帖金塗面釘漆畫輪鐵鑑

金塗縱容後路轅師子轄抗檣皆施金塗螭頭及神蓋金塗龍室等諸飾輓衡上施金博山又有金塗長角巴首蓋瓜支子花二十八青油俠碧絹黃紋蓋漆布裏紫願筆黃紋隨陰碧毛外上施絳紫系絡碧旂九旒棨戟公

主王妃三公特進夫人乘油輅畫安車其貴人公主三夫人九嬪世婦三公妃特進夫人所乘正副皆依漢晉

梁天監二年令上臺六宮長公主公主諸王太妃皆得乘青油榻幢通幟車榻幢涅幟爲副綵女皇女諸王嗣子侯夫人皆乘赤油榻幢車以涅幟爲副侍女直乘涅幟二乘

後魏熙平中有司蘇紹議皇后之輅其從祀則御金根車親桑則御雲母車歸甯則御紫闥車游行御安車弔問御紺闥車並駕四馬

北齊皇后車依魏制諸公主乘油朱絡網車車中飾用金塗及純銀

後周皇后之車十二等一曰重翟以從皇帝祀郊禘享先皇朝皇太后二曰厭翟以祀陰社三曰翟輅以採桑四曰翠輅以從皇帝見賓客五曰雕輅以歸甯六曰篆輅以臨諸道法

門六輅皆錫面朱總金鈎七曰蒼輅以適命婦八曰青輅九

曰朱輅十曰黃輅十一曰白輅十二曰元輅五時常出入則

供之六輅皆疏面績總諸公夫人之輅車九厭翟翟輅翠輅

皆錫面朱總金鈎雕輅篆輅皆勒面

刻白黑韋當爲顛

績總朱輅黃

輅白輅元輅皆雕面

刻漆韋當爲顛

爲當顛

青黑色縹其

翟輅而下八諸伯夫人自翠輅而下七諸子夫人自雕輅而

下六諸男夫人自篆輅而下五鞶纓就數各視其君三妃三

公夫人之輅九篆輅朱輅夷輅白輅元輅皆勒面績總夏篆

夏纓黑車轅車皆雕面鷩總三妃三孤內子自朱輅而下八

六嬪六卿內子自黃輅而下七上媛婦中夫人孺人自元輅

而下五下媛婦夫人孺人自夏篆而下四女御婉士婦人自

夏纓而下三其輦纓就各以其等皆輦蒔漆之君以赤卿大夫士以元君駕四三輦六轡卿大夫駕三二輦五轡士駕二輦四轡

隋開皇初李德林奏用後魏熙平蘇紹議皇后之輅後著令制重翟青質金飾諸末朱輪金根朱牙其箱飾以重翟羽青油幢朱裏通幰繡紫帷朱絲絡網繡紫絡帶八轡在銜鏤錫輦纓十二就金鏤方鉉插翟尾朱總駕蒼龍受冊從祀郊禘宮廟則供之厭翟赤質金飾諸末朱輪畫朱牙其箱飾以翟羽紫油幢朱裏通幰紅錦帷朱絲絡網紅錦帶餘如重翟駕赤騶親鸞供之翟車黃質金飾諸末朱輪畫朱牙車則飾以翟羽黃油幢黃裏通幰白紅錦帷朱絲絡網白紅錦絡帶餘

如重翟駕黃驢歸甯則供之諸鞶纓之色皆從車質安車赤質金飾紫通幃朱裏駕四馬臨幸及弔則供之輦金飾同於蓬輦通幃班輪駕四馬宮苑近行則乘之屬車三十六乘三公夫人公主王妃並獵車紫幃朱網絡五品以上命婦並乘青幃與其夫同

唐內僕令掌中宮車乘凡皇后之車有六一曰重翟受冊從

祀高廟則供之

青質金飾諸末朱輪金根朱牙其箱飾以重翟羽青油通幃青油燠朱裏朱絲絡網綉紫

裕帶綉紫帷入駕在衛鏤鞶纓十有二有金鏤

方鉤插翟尾朱總駕蒼龍皆隋所制唐因之二曰厭翟公

桑則供之

赤質金飾諸朱輪畫朱牙其箱飾以次翟羽鞶油通幃紫油燠朱裏朱絲絡網紅錦絡帶紅錦帷餘

如重翟駕赤驢內命婦

三曰翟車歸甯則供之

黃質金飾諸朱輪畫朱牙

一品以下以次乘之

其車輓以翟羽黃油通幃黃油燠黃裏白紅錦絡一白紅錦帷朱絲絡網其餘如重翟駕黃驢諸鞶纓之色皆從車質也

四曰安車臨幸則供之

赤質金飾紫油通幃紫油纁朱裏

五

曰四望車拜陵臨弔則供之

朱質青油通幃青油纁朱裏

六曰金根車常行則供之

朱質青油通幃紫油纁朱裏

夫人

乘厭翟車九嬪乘翟車婕妤以下乘安車外命婦公主王妃

乘厭翟車一品乘白銅飾轎車青油纁朱裏通幃朱絲絡網

二品以下去油纁絡網四品有青偏幃

宋皇后車輿之制重翟車青質金飾諸末間以五采朱輪金

根朱牙其箱飾以重翟羽四面施雲鳳孔雀刻鏤龜文頂輪

上施金立鳳翟葉青羅幃衣一紫羅畫雲龍絡帶二青絲絡

網二紫羅畫帷一青羅畫雲龍夾幔二車內設紅褥及坐橫

轅上施立鳳八香匱設香爐香寶香匱飾以螭首前後施簾

長轡三施以鳳頭青絹裏索駕青馬六馬有銅面插翟羽翬

纓攀弓鈴拂青屣青包尾若受冊謁景靈宮則乘之初制箱上有平

盤四角曲欄盤兩壁紗窗龜文金鳳翅前有虛圓香爐香寶

緋繡幃衣絡帶門簾三轅鳳首畫梯推竿行馬緋繡裏索駕

六馬金銅面纓轡鈴攀緋屣駕士三十人武弁緋繡衫常出

止用正副金塗銀裝白藤輿各一上覆櫻欄屋飾以鳳輦官

服同乘輿平頭輦之制厭翟車赤質其箱飾以次翟羽紫幃衣紅絲絡

網紅羅畫絡帶夾幔錦帷餘如重翟車駕赤騮四若親蠶則

乘之翟車黃質其車側飾以翟羽黃幃衣黃絲絡網錦帷絡

帶餘如重翟車駕黃騮四安車赤質金飾間以五采刻鏤龜

文紫綵衣錦帷絡帶紅絲絡網前後施簾車內設褥及坐長

轅三飾以鳳頭駕赤騮四凡駕馬鞶纓之飾並從車質四望

車朱質青幃衣餘同安車駕牛三金根車朱質紫幃衣餘同

安車駕牛三自重翟車以下備鹵簿則皆以次陳設簾輿金塗銀裝上覆櫻欄屋以龍飾常行之儀則用之龍肩輿一名櫻檐子一名龍檐子昇以二竿故名南渡後所制方質樓頂施走脊龍四走脊雲子六朱漆紅黃簾織百花龍爲階緋門簾看窗簾朱漆簾坐椅踏子紅羅裙褥輦屏夾幔隆興二年皇后受冊畢擇日朝謁有司具儀物乞乘肩輿龍檐製造所受給使臣尹瑋發納中宮金塗銀葉櫻欄朱漆紅黃簾織百花龍杆子碌牙壓貼鏤金雕木翬花泥版龍檐子一乘金塗銀頂子龍頭六走脊龍四走脊雲子六貼絡龍四十貼絡雲子三十鐸子八插拴坐龍四環索金鉞遮那一副檀香龜背紅紗窗四扇紅緣紅羅蓼門簾一瀝水全看窗簾二朱漆簾

面明金雕木龍頭椅一腳踏一紅線條結一朱漆小几二紅羅褥全紅羅緣肩膊席褥一十六繫帶全金塗銀鐵胎杆銅四魚鉤四火踏一朱漆梯盤全朱漆衣匣二金塗銅手把葉段拓叉二金塗銅叉頭花泥行馬二金塗銀葉杠子二紅茸扁條四紅羅夾輦屏風夾幔各一襯腳席褥靠背坐褥及踏床各一紅帽十字靶一竿袋四魚鉤靶二紅油十字靶竿袋魚鉤靶數同上兜地靶一圍裙一大安輦眞宗咸平中爲萬安太后制輿上設行龍六乾興元年詔皇太后御坐檐子名大安輦神宗嗣位詔太皇太后行幸依治平元年之制而皇太后皇后常出止用副金塗銀裝白簾輿覆以樓欄屋飾以鳳輦官服同乘輿平頭輦之制於是詔太皇太后后出入所乘如萬安太后輿上設行龍六制飾率有加龍輿皇太后所乘也哲宗尊朱貴妃爲皇太妃出入許乘檐子有

司請用牙魚鳳爲飾繖用青元祐三年有司尋釋典故檐子飾以龍鳳繖用紅九年羣臣議改檐子爲輿上設行龍五出入由宣德東偏門哲宗以皇太后諭旨令太妃坐六龍輿出入進黃繖由宣德正門於是三省議皇太妃坐龍鳳輿繖紅黃兼用從皇太后出入止用紅紹聖元年太常寺言皇太妃尊奉之禮既不敢擬隆於皇太后又不可不逮於中宮今參以人情再加詳定伏請供進龍鳳輿從之紹興奉迎皇太后詔造龍輿其制朱質正方金塗銀飾四竿竿頭螭首赭窗紅簾上覆以樓加走六龍內設黃花羅帳裯褥朱椅踏子紅羅繡巾二內外命婦之車銀裝白簾輿檐內命婦皇親所乘白簾輿檐金銅犢車漆犢車或覆以瑄或覆以樓內外命婦通乘遼祭山皇太后升總轡車永壽節皇太后乘小輦冊承天皇

太后儀皇太后乘平頭輦

赤質金塗銀裝紅條無屋

青轎車二螭頭蓋部

皆飾以銀駕用駝公主下嫁以賜之古者王姬下嫁車服不繫其夫下王后一等此其遺意歟送終車車樓純飾以錦螭頭以銀下縣鐸後垂大璫駕以牛上載羊一謂之祭羊以擬送終之用亦賜公主

金皇后之車六一日重翟車青質金飾金塗銅鍍花葉段裝釘耀葉二十四明金立鳳一紫羅銷金生色寶相帷一青羅青油幃衣各一朱絲絡網紫羅明金生色雲龍絡帶各二兩廂明金五彩間裝翟羽二金塗礪石長轅鳳頭三橫轅立鸞八香爐香寶子一副宜男錦帶結朱紅漆杌子踏床各一扶板扶魚一副紅羅明金衣褥紅羅襯褥一青羅行道褥四青

羅明金生色雲鳳夾幔一紅羅明金緣紅竹簾二金塗銅葉
斷行馬二朱紅漆金塗銀葉裝釘胡梯一青羅胡梯尋儀褥
二踏道褥十青絹褰大麻索二油蒙帕一二曰厭翟車赤質
倒仙錦帷一紫羅紫油幢衣各一朱絲絡網宜男錦絡帶各
二餘同重翟惟行道夾幔尋儀褥羅及褰索等褥用紅三曰
翟車黃質金飾葉石葉段裝釘宜男錦帷黃羅油幢衣倫石
長轅鳳頭三而無橫轅立鸞餘同厭翟而羅色用黃四曰安
車赤質倒仙錦帷紫油幢衣朱絲絡網天下樂錦帷絡帶倫
石長轅鳳頭三無橫轅立鸞及香爐香寶子餘同翟車而色
皆用紅五曰四望車朱質宜男錦帷青油幢衣轅端鸞頭二
餘並同安車六曰金根車朱質紫羅紫油幢衣朱絲倒仙錦

絡帶各二踏床褥用紅綾衣尋儀褥踏道褥並用綾餘並同
安車後復改造圓輅重簷方輅五華亭頭平頭六等之制增
製九龍車一高二丈廣丈一尺長二丈六尺五鳳車四各高
一丈八尺長廣如之圓輅車方輅車重簷車各一高丈七尺
長丈八尺廣八尺皆駕馬四駕士各五十人並平巾幘生色
青緋黃三色寶相花衫銀褐抹帶大口袴平頭輦一五華輦
亭頭輦各高一丈九尺廣丈五寸長三丈昇士各九十六人
作兩番代並生色緋寶相花衫餘如前製管押三十五人長
腳幘頭紫羅窄衫金銅帶車駕馬繁纓涼履鈴拂包尾皆從
車色金銅面插翟尾朱轡朱總龍車合用紅羅傘一傘子二
人用本服錦帽幘帶偏扇制如仙人羽扇行障六扇各長八

尺高六尺用紅羅表朱裏畫雲鳳龍首竿銜鞏結每障用宮人四坐障三扇各長七尺高五尺畫雲紅羅表朱裏餘同行障錦六柱八扇各濶二尺高三尺罽以錦內給使八人執宮人車制如屬車駕士八人平巾幘緋衫大口袴鞋襪供奉宮人三十人雲結紗帽紫衫束帶綠靴妃嬪車輦用鍍金鳳頭黃結御妻世婦四間金鳳頭梅紅結子

明皇后輅高一丈一尺三寸有奇盤前後車櫺竝雁翅四垂如意滴珠板釐長一丈九尺六寸皆紅髹轅用抹金銅鳳頭鳳尾鳳翎葉片裝釘平盤左右垂護泥板及輪二貫一每輪輻十有八皆紅髹輞以抹金釵花銅葉片裝釘輪內車轂用抹金銅釵蓮花瓣輪盤裝釘軸中纏黃絨駕轅諸索輅亭高

五尺八寸有奇紅髹四柱檻座上沈香色描金香草板十二片前左右有門高四尺五寸有奇廣二尺四寸有奇門旁沈香色線金菱花榻各二下條環板有明欵抹金銅鍛花葉片裝釘後紅髹五山屏風戩金鸞鳳雲文屏上紅髹板戩金雲文中裝雕木渾貼金鳳一屏後紅髹板俱用抹金銅鍛花葉片裝釘亭底紅髹上施紅花琰紅錦褥席紅髹坐椅一靠背雕木線金五采裝鳳一上下香草雲板各一紅福壽板一并褥椅中黃織金綺靠坐褥四周有椅裙施黃綺帷幔或黃外線羅外用紅簾十二扇前二柱戩金上寶相花中鸞鳳雲文下龜文錦輅頂并圓盤高二尺有奇抹金銅立鳳頂帶仰覆蓮坐垂攀頂黃線圓條四盤上紅髹下四周沈香色描金雲文內青

地五彩雲文以青飾輅蓋內寶蓋紅髹匡闌以八頂冒以黃綺頂心及四周繡鳳九井五彩雲文天輪三層紅髹上雕木貼金邊耀葉板七十二片內飾青地雕木五彩雲鸞鳳文三層間繪五彩雲觀板七十二片下四周黃銅裝釘上施黃綺瀝水三層間繡鸞鳳文四垂青綺絡帶繡鸞鳳各一圓盤四角連輅座板用攀頂黃線圓條四輅亭前後有左右轉角闌干各二扇內嵌條環板皆紅髹計十二柱柱首雕木紅蓮花線金青綠裝蓮花抱柱其踏行馬之屬與大馬輦同安車高九尺七寸有奇平盤前後車櫺並雁翅板轅二長一丈六尺七寸有奇皆紅髹用抹金銅鳳頭鳳尾鳳翎葉片裝釘平盤左右垂護泥板及輪二貫軸一每輪輻十有八皆紅髹軸中

紅綵駕轎諸索車亭高四尺四寸紅髹方柱四上裝五彩

花板十二片前左右有門高三尺七寸有奇廣二尺二寸有

奇門旁紅髹十字榻各二後三山屏風屏後壁板俱紅髹用

抹金銅鍍花葉片裝釘亭底紅髹板上施紅琰紅錦褥四周

施黃綺帷幔外用紅簾四用車蓋用紅髹抹金銅寶珠頂帶

蓮座高六尺四角抹金銅鳳頭用攀條四竝紅髹木魚蓋施

黃綺瀝水三層銷金鸞鳳文鳳頭下垂紅帔踏其踏梯行馬

轎衣與輅同

行障坐障皆以紅綾爲之繪升降鸞鳳雲文行障繪瑞草於瀝水坐障繪雲文於頂

太后皇太后輅及安車制同皇妃車曰鳳轎其制青頂上抹

金銅珠頂四角抹金銅飛鳳各一垂銀香圓寶蓋并彩結轎

身紅髹木匡二面篋織紋簾繪以翟文抹金銅鍍花葉片裝

釘紅髹捫飾以抹金銅鳳頭鳳尾青銷金羅緣邊紅簾并看帶內紅交牀并坐踏褥紅銷金羅轎衣一頂用銷金寶珠文瀝水香草文看帶并幃皆鳳文紅油絹雨轎衣一自皇后以下皆用行障二坐障一第別以彩繪皇妃行障坐障俱紅綾爲之繪雲鳳而行障瀝水繪香草東宮妃車亦曰鳳轎小轎制同皇妃行障坐障亦同親王妃車名同東宮妃惟鳳轎衣用木紅平羅小轎衣一一用簪紅素紵絲一用木紅平羅行障坐障制同東宮妃公主車制同親王妃郡王妃用翟轎制與皇妃鳳轎同第易鳳爲翟行障坐障同親王妃而繪雲翟文

東宮車服

巾車金路鉤樊纓九就建大旂以實同姓以封隋志禮窮則上也故天子乘之接賓宴同姓諸侯受而出封是以漢太子諸王皆乘金輅及安車并朱班輪倚獸較伏鹿舄黑幘文畫藩青蓋金華施棟朱畫轅金塗飾非皇子爲王不錫此乘皆左右駢駕三馬旂九旒畫降龍皇孫乘綠車亦駕之魏晉制太子及諸王皆駕四馬

漢皇太子皇子皆安車朱班輪飛輪青蓋金花倚虎伏鹿橈文畫轡吉陽箒文金塗五末旂九旒降龍皇子爲王錫以乘之皇孫綠車以從皆左右駢三馬名皇孫車

魏因漢制文帝問東平王有輅爲是特賜乎鄭稱對曰天子五輅金輅以封同姓諸侯得與天子同乘金輅非特賜

晉因魏安車而駕三馬非法駕則乘畫輪車上開四望綠油幢朱絲繩絡兩箱裏飾黃金漆塗五末其副車三乘形制如

所乘但不畫輪耳王青蓋車皇孫綠蓋車并駕三左右駢東
晉安帝時乘後山安車制如金輅

宋因晉制皇子爲王亦錫以皇太子之安車皇孫綠車亦因
舊法泰始六年正月有司奏被敕皇太子正冬朝賀合著袞
冕九章不儀曹郎邱仲起議按周禮公自袞冕以下鄭注袞
冕以至卿大夫之元冕皆其朝聘天子之服也伏尋古之上
公尙得服之皇太子以倖副之尊率士瞻仰愚謂宜式遵盛
典服袞九章以朝賀詔可

齊皇太子象輅

校飾如御旂
九旒降龍

於宮內得乘小輿太子妃厭翟

車

如重翟
飾微減

遠游冠太子所冠朱纓翠羽綏珠節

梁因齊象輅制鸞輅駕三左右駢朱斑輪倚獸較伏鹿軾九

旂降龍青蓋畫輜文輶黃金塗五末以畫輪車爲副常乘畫
輜則衣書車爲副其書輜車上開四望綠油幢朱繩絡兩箱
裏飾以金錦舊有五時朝服自天監之後則朱服在上省則

省則
白帽

陳因梁制皇太子金璽龜鈕朱綬三百二十首朝服遠遊冠金博

山佩瑜玉翠綬垂組朱衣絳紗袍皁緣白紗巾衣白曲領帶
鹿盧劍火珠首素革帶玉鉤變獸頭鞞囊其大小會祠廟朔
望五日還朝皆朝服常還上宮則朱服若釋奠則遠遊冠玄
朝服絳緣中單絳袴袪女舄講則著介幘又有三梁進賢冠
其侍祀則平冕九旒袞衣九章白紗絳緣中單絳綰鞞赤舄
絳鞬若加元服則中舍執冕從

後魏乘金輅朱蓋赤質駕四馬

北齊因魏制皇太子妃假髻步搖九鎮璽綬同皇太子服揄翟從蠶則青綬紗公服太子良娣服飾同九嬪太子孺子同世婦太子家人同御女

隋皇太子金輅赤質金飾諸末重較箱畫橫文鳥獸黃屋伏鹿軾龍輦金鳳一在軾前設障塵朱蓋黃裏畫輪朱牙左建旂九旂右載闌戟旂首金龍頭銜結綬及鈴綏駕赤騶四八鑾在衡二鈴在軾金鏤方鉉插翟尾五焦鏤錫鞶纓九就從祀享廟正冬大朝納妃則乘之輅車金飾諸末紫通幟朱裏駕一馬五日常朝及朝饗宮官出入行道則乘之四望車金飾諸末紫油幢通幟朱裏朱絲絡網駕一馬弔臨則乘之皇

太子袞服元衣纁裳衣山龍華蟲火宗彝五章裳藻粉米黼
黻四章織成爲之白紗內單黼領青襍裾革帶金鉤黼大
帶素帶不朱裏亦紕以朱緣鞞隨裳色火山一章玉具劔火
珠鏢首瑜玉雙佩朱組雙大綬四絲赤白縹紺純朱質長丈
八尺三百二十首廣九寸小雙綬長二尺六寸色同大綬而
首半之間施二玉環朱鞞赤舄以金飾侍從皇帝祭祀及謁
廟加元服納妃則服之遠遊冠服絳紗袍白紗內單皐領襍
裾裾白假帶方心曲領絳紗蔽膝襪舄其革帶劔佩綬與上
同謁廟還宮元日朔日入廟釋奠則服之遠遊冠公服絳紗
單衣革帶金鉤黼假帶方心紛長六尺四寸廣二寸四分色
同其綬金鏤鞞襪履五日常朝則服之皇太子妃服揄翟

衣九章金璽龜鈕素紗內單黼領羅襪色皆同朱蔽膝二章大帶同褱衣青綠革帶朱襪青舄舄加金飾佩瑜玉纁朱綬獸頭鞶囊凡大禮見皆服之唯侍親桑則用鞠衣珮綬與揄衣同良娣鞠衣銀印青綬獸爪鞶囊餘同

唐皇太子之車三金路者從祀朝賀納妃所乘也赤質金飾末重較箱畫芭文鳥獸黃屋伏鹿軾龍輶金鳳一在軾前設鄣塵朱黃蓋裏輪畫朱牙左建旂九旒右載闔戟旂首金龍銜結綬及鈴鏤八鸞二鈴金鏤方鉉樹翟尾五焦鏤錫鞶纓九就輶車者五日常服朝饗宮臣出入行道所乘也四望車者臨弔所乘也二車皆金飾末紫油纁朱裏通幃皇太子之服六袞冕者從祀謁廟加元服納妃之服也白珠九旒紅絲

緋爲纓犀簪導青纈充耳黑衣纁裳凡九章龍山華蟲火宗
彝在衣藻粉米黼黻在裳白紗中單黼領青襍裾革帶金
鈎釧大帶瑜玉雙佩朱組雙大綬朱質赤白纁紺爲純長一
丈八尺廣九寸三百二十首黻隨裳色有火山二章白鞞赤
舄朱履加金塗銀釵飾鹿盧玉具劍如天子遠遊冠者謁廟
還宮元日朔日入朝釋奠之服也以具服遠遊冠三梁加金
博山附蟬九首施珠翠黑介幘髮纓翠綏犀簪導絳紗袍紅
裳白紗中單黑領襍裾白裙襦白假帶方心曲領絳紗蔽
膝白鞞黑舄朔日入朝通服袴褶公服者五日常朝元日冬
至受朝之服也遠遊冠絳紗單衣白裙襦革帶金鈎釧假帶
瑜玉隻佩方心紛金鏤鞞囊純長六尺四寸廣二寸四分色

如大綬烏紗冒者視事及燕見賓客之服也白裙襦烏皮履
弁服者朔望視事之服也鹿皮爲之犀簪導組纓九璫絳紗
衣素裳革帶鞶囊小綬雙佩自具服以下皆白韞烏皮履平
巾幘者乘馬之服也金飾犀簪導紫裙白袴起梁珠寶鈿帶
韡進德冠者亦乘馬之服也九璫加金飾有袴褶常服則有
白裙襦皇太子妃之服有三褕翟者受冊助祭朝會大事之
服也青織成文爲搖翟青質五色九等素紗中單黼領朱羅
縠襖襖蔽膝隨裳色用縠爲領緣以翟爲章二等青衣革帶
大帶隨衣色不朱裏青韞舄加金飾佩綬如皇太子鞠衣者
從蠶之服也以黃羅爲之制如褕翟無雉蔽膝大帶隨衣色
鈿釵褕衣者燕見賓客之服也九鈿其服用襍色制如鞠衣

加雙佩小綬去舄加履首飾花九樹有兩博鬋

宋皇太子車輅之制金輅赤質金飾諸末重較箱畫莒文鳥獸黃屋伏鹿軾龍輶金鳳一在軾前設障塵朱蓋黃裏輪畫朱牙左建旂九旒右載闕戟旂首金龍頭銜結綬及鈴綬八鸞在衡二鈴在軾駕赤騮四金鏤方鉉插翟尾鏤錫鞶纓九就從祀諱太廟納妃則供之輅車金飾諸末紫油通幰紫油纁朱裏駕馬一四望車金飾諸末青油通幰青油纁朱裏絲絡網駕馬一輅車四望車以次列於鹵簿仗內皇太子妃則有厭翟車駕以三馬出入亦乘檐子中興簡儉惟用藤檐子頂梁昇杠皆飾以玄漆四角刻獸形素藤織花爲面如政和之制皇太子之服三袞冕青羅表緋羅紅綾裏塗金銀釵

花飾犀簪導紅絲組前後白珠九旒二續貫水晶珠青羅衣
繡山龍雉火虎雉五章紅羅裳繡藻粉米黼黻四章紅羅蔽
膝繡山火二章白紗中單青襖襪革帶塗金銀鉤釧瑜玉
雙佩四采織成大綬結二玉環金塗銀釵花飾青羅袜帶紅
羅勒帛玉具釧金塗銀釵花玉鐔首白羅襪朱履金塗銀釧
從祀則服之遠遊冠十八梁青羅表金塗銀釵花飾犀簪導
紅絲組爲纓博山政和加附蟬朱明服紅花金條紗衣紅紗
裏皁襖襪紅紗裳紅紗蔽膝並紅紗裏白花羅中單皁襖襪
白羅方心曲領羅襪黑舄革帶劒佩綬餘同袞服抹帶勒帛
執桓圭受冊謁廟朝會則服之常服皁紗折上巾紫公服通
犀金玉帶

太宗至道元年太常禮院言南郊皇太子充亞獻合著祭祀服準制度袞冕以組爲纓色如其綬青

元耳玄衣纁裳几九章每章一行重以爲等皆織爲之白
中單織領青襟襖裙革帶金鈎釵大帶素帶不朱裏亦織
以朱絲鈕約用組釵隨裳色二章朱組雙大綬四采赤白襪
六寸色同大綬而首半之間施二玉環朱纁赤舄舄加金飾
餘同舊制侍從祭祀祝及謁廟加元服納此則服之詔依上製

造皇子行事服朝服則七梁額花冠貂蟬籠巾金塗銀立筆

眞玉佩綬金塗銀革帶烏皮履若服祭服則金塗銀八旒冕
眞玉佩綬緋羅履職皇太子妃首飾花九株小花同并兩博
簪榆翟青織爲搖翟之形青質五色九等素紗中單黼領羅
縠襖襖皆以朱色蔽膝隨裳色以縠爲領緣以搖翟爲章二
等大帶隨衣色不朱裏紕其外上以朱錦下以綠錦紐約用
青組革帶以青衣之白玉雙佩純朱雙大綬章朱尺寸與皇
太子同受冊朝會服之鞠衣黃羅爲之蔽膝大帶革帶隨衣

色餘與褕翟同唯無翟從蠶服之

遼皇太子金輅從祀享正冬大朝納妃用之

冊皇太子儀乘黃令陳金輅

輅車五日常朝享宮臣出入行道用之金飾紫纁朱裏駕一馬四望車弔臨用之金飾紫油纁通轡駕一馬皇太子遠遊冠謁廟還宮元日冬至朔日入朝服之三梁冠加金附蟬九首施珠翠黑介幘髮纓翠綬犀簪導絳紗袍白紗中單皂領襖襖裾白裙襦白假帶方心曲領絳紗蔽膝其革帶劍佩綬鞢舄與上同後改用白鞢舄未冠則雙童髻空頂黑介幘雙玉導加寶飾冊皇太子儀皇太子冠遠遊服絳紗袍常服進德冠九琪金飾絳紗單衣白裙襦白鞢舄皮履

金皇太子金輅輅旗旂首及應用龍者更以麟爲飾省去鄣

唐等物上用金輅名件色數依上公以九爲節減四分之一
上用輅軾前有金龍改爲伏鹿軾上坐龍改爲鳳旂十二旒
減爲九駕赤駟六減爲四及簾褥用黃羅處改用梅紅餘並
具體成造其制赤質金飾諸末重較箱畫簾文鳥獸黃屋軾
作赤伏鹿龍輅金鳳一軾前設障塵朱蓋黃裏輪畫朱牙左
建九旒右載闕戟旂首銜金龍頭結綬及鈴綏八鸞在衡二
鈴在軾駕赤騶四金鏤方鉉插翟尾鏤錫鞶纓九就皇帝輅
自頂至地高一丈七尺今綱四分之一爲一丈三尺二寸脩
廣之綱亦如之皇太子冠服冕用白珠九旒紅絲組爲纓青
纁充耳犀簪導袞青衣朱裳五章在衣山龍華蟲火宗彝四
章在裳藻粉米黼黻白紗中單青襍褙裾革帶塗金銀鉤釧

蔽膝隨裳色爲火山二章瑜玉雙佩四采織成大綬間施玉環三白韞朱舄舄加金塗銀釦謁廟則服之遠遊冠十八梁金塗銀花飾博山附蟬紅綵組爲纓犀簪導朱明服紅裳白紗中單方心曲領絳紗蔽膝白襪黑舄餘同袞冕冊寶則服之桓圭長九寸廣三寸厚半寸用白玉若屋之桓楹爲二稜太子入朝起居及與宴則朝服紫袍玉帶雙魚袋其視事及見師少賓客則服小帽皂衫玉束帶

明皇太子金輅高一丈二尺二寸有奇廣八尺九寸轅長一丈九尺五寸輅座高三尺二寸有奇平盤滴珠板輪輻輪輞悉同玉輅輅亭高六尺四寸有奇紅髹四柱長五尺四寸檐座上四周線金五彩香草板前左右有門高五尺有奇廣二

尺四寸有奇門旁欄各二編紅線條及明杖皆紅髹後五山
屏風青地上雕木貼金龍五間以五彩雲文屏後紅髹板皆
抹金銅鈹花葉片裝釘紅髹匡軟座紅絨墜座大索四下垂
蓮花墜石上施紅毯紅錦褥席紅髹椅一納板一并褥椅中
紅織金綺靠坐褥四周有椅裙施紅羅帷幔外用青綺緣邊
紅簾十二扇椅雕貼金龍彩雲下線金彩雲板一亭內編紅
線條輅頂并圓盤高二尺五寸有奇又鍍金銅寶珠頂帶仰
覆蓮座高九寸垂攀頂紅線圓條四盤上丹漆下內外皆青
地繪雲文以青飾輅蓋亭內周圍青斗拱承以丹漆匡寶蓋
闌以八頂冒以紅綺頂心繡雲龍餘繡五彩雲文天輪三層
皆紅髹上雕木貼金邊耀葉板七十二片內飾青地雕木貼

金雲龍文三層間繪五彩雲襯板七十二片四周黃銅裝釘
上施紅綺瀝水三層每層七十二摺間繡五彩雲龍文四角
之飾與大輅同第圓條用紅線輅亭前一字闌干一扇後一
字帶轉角闌干一扇左右闌干二扇內嵌五彩雲板皆丹漆
計十四柱柱首制與大輅同亭後建紅旗二以紅羅爲之九
旂每旂內外繡升龍一左旗腰繡日月北斗竿用抹金銅龍
首右旗腰繡黻字竿用抹金銅戟綴抹金銅鈴二垂紅纓其
踏梯行馬之屬與玉輅同帳房用青木棉布竿首青緣蹲狔
餘同乘輿帳房東宮妃車亦曰鳳輶小輶制同皇妃皇太子
冕冠元表朱裏前圓後方前後各九旒每旒五采纁九就貫
五采玉九赤白青黃黑相次玉衡金簪元統垂青纁充耳青用

玉璫以白玉瑱朱紘纓玉圭長九寸五分以錦約其下并韜

袞服九章元衣五章龍在肩山在背火華蟲宗彝在袖

每袖各三

皆織成本色領襖襖裾纁裳四章織藻粉米黼黻各二前三

幅後四幅不相屬共腰有襜褕本色裋褐中單以素紗爲之

青領襖襖裾領織黻文十二蔽膝隨裳色四章織藻粉米黼

黻本色緣有紃施於縫中上玉鉤二玉佩二各用玉珩一瑀

一琚一衝牙一璜三瑀下垂玉花一玉滴二璩雲龍文描金

自珩而下繫組五貫以玉珠上有金鉤小綬四采

赤白纁綠以副

之纁質大帶素表朱裏在腰及垂皆有綈上綈以朱下綈以

綠紐約用青組大綬四采

赤白纁綠

纁質小綬三采間施二玉環

龍文皆織成襪舄皆赤色舄用黑鉤純黑飾舄首

陪祀天地宗廟社稷

及大朝會受冊納妃所服

皮弁冒以烏紗前後各九縫每縫綴五采玉九

縫及冠武弁貫髻繫纓處皆飾以金金髻朱纓玉圭如冕服

內制絳紗袍本色領襖襖裾紅裳如冕服內裳制但不織章

數中單以素紗爲之如深衣制紅領襖襖裾領織黻文十一

蔽膝隨裳色本色緣有紃施於縫中其上玉鉤二玉佩如冕

服內制但無雲龍文有小綬四采以副之大帶大綬鞞烏赤

色皆如冕服內制

朔望朝降詔降香進表外國朝貢朝覲所服

其常服洪武元年

定烏紗折上巾永樂三年定冠烏紗折角向上巾

亦名翼善冠親王郡

王及世子俱同

袍赤盤領窄袖前後及兩肩各金織盤龍一玉帶鞞

以皮爲之皇太子妃九翬四鳳冠漆竹絲爲匡冒以翡翠上

飾翠翬九金鳳四皆口銜珠滴珠翠雲四十片大珠花九樹

小珠花數如之雙博髻飾以鸞鳳皆素地邊用雲襖用深衣
玉色帶青表綠裏綠緣履用皁綠結白襪

六典通考卷三十六

湖西間鎮珩輯

宮政考

宮中儀從

鹵簿儀仗

周制巾車掌王后五輅內小臣后出入則前驅內宗王后有事則從內監有祭祀賓客喪紀之事則爲內人蹕漢制中太僕掌皇太后輿馬不常置皇后當法駕出中謁中宦者職吏權兼詹事奉引訖罷大長秋卿一人中宮出則從其親鸞則車府令設鹵簿公卿百官命婦乘車以從詳見親鸞篇太子有洗馬官員十六人出則當直者在前導威儀又有中盾衛率各一人主門衛士及周衛

徵循魏晉至隋皇后東宮各有鹵簿儀衛史文闕略勿
克詳備今可徵據者惟唐宋金元明五朝類次如左

唐太皇太后皇太后皇后出尙服負寶內僕進車于閤外尙
儀版奏外辦馭者執轡太皇太后乘輿以出華蓋侍衛警蹕
內命婦從出門太皇太后升車從官皆乘馬內命婦宮人以
次從清游隊旗一執者一人佩橫刀引夾皆二人佩弓箭橫
刀騎次金吾衛折衝都尉一人佩橫刀弓箭領旗四十亦佩
橫刀夾折衝執稍二十人持弩四人佩弓箭十六人持褊稍
刀二人次虞候飲飛二十八人騎佩弓箭橫刀夾道分左右
以屬黃麾仗次內僕令一人在左丞一人在右各書令史二
人騎從次黃麾一執者一人夾道二人皆騎次左右廂黃麾

仗廂皆三行行百人第一短戟五色麾執者黃地白花綦襖
第二戈五色麾執者赤地黃花綦襖第三鎗五色旗執
者青地赤花綦襖圖左右衛左右威衛左右武衛左右驍衛
左右領軍衛各三行行二十人每衛以主帥六人主之皆豹
文袍冒執鎗石裝長刀騎唯左右領軍衛減三人每衛果毅
都尉一人被繡袍各一人從左右領軍衛有絳引幡引前者
三掩後者三次內謁者監四人給事二人內常侍二人內侍
少監二人騎分左右皆有內給使一人從次內給使百二十
人平巾幘大口袴緋襦褙分左右屬于宮人車次偏扇團扇
方扇皆二十四宮人執之衣綵大袞裙襦綵衣革帶履分左
右次香蹬一內給使四人舉之居重翟車前次重翟車駕四

馬駕士二十四人次行障六次坐障三皆左右夾車宮人執之服同執扇次內寺伯二人領寺人六人執御刀服如內給使夾重翟車次翬舉一執者八人團雉尾扇二夾舉次大繖四次雉尾扇八左右橫行爲二重次錦花蓋二單行次小雉尾扇朱畫團扇皆十二橫行次錦曲蓋二十橫行爲二重次錦六柱八分左右自翬舉以下皆內給使執之次宮人車次絳麾二分左右次後黃麾一執者一人夾二人皆騎次供奉宮人在黃麾後次厭翟車翟車安車皆駕四馬駕士各二十四人四望車駕士二十二人金根車駕牛駕士十二人次左右廂牙門各二每門二人執四人夾皆赤綦襖黃袍冒騎次左右領軍衛廂皆一百五十人執爰赤地黃花綦襖冒前屬

于黃麾仗後盡鹵簿廂各主帥四人主之皆黃袍冒執鉞石
裝長刀騎折衝都尉二人檢校受仗皆一人騎從次衙門一
盡鹵簿後受仗內正道每門監門校尉二人主之執銀裝長
刀廂各有校尉一人騎佩銀橫刀往來檢校御馬減大駕之
半皇太子出左庶子負璽詣閣奉迎僕進車若輦于西閣外
南嚮內率一人執刀立車前北嚮中允一人立侍臣之前贊
者二人立中允之前前二刻諸衛之官詣閣奉迎宮臣應從
者各出次立于門外文東武西重行北嚮北上左庶子版奏
外辨僕升正位執轡皇太子乘輿而出內率前執轡皇太子
升車僕立授綬左庶子以下夾侍中允奏請發車動贊者夾
引而出內率夾車而趨出重明門中允奏請停車侍臣上馬

左庶子前承令退稱令曰諾中允退稱侍臣上馬贊者承傳
侍臣皆騎中允奏請車右升左庶子前承令退稱令曰諾內
率升訖中允奏請發車動鼓吹振作太傅乘車訓導少傅乘
車訓從出延喜門家令先導次率更令詹事太保太傅太師
皆輶車備鹵簿次清游隊旗一執者一人佩橫刀引夾皆二
人亦佩弓箭橫刀騎次清道率府折衝都尉一人佩弓箭橫
刀領騎三十亦佩橫刀十八人執稍九人挾弓箭三人持弩
各二人騎從次左右清道率府率各一人騎佩橫刀弓箭領
清道直盪及檢校清游隊各二人執殳稍騎從次外清道直
盪二十四人騎佩弓箭橫刀夾道次龍旗六各一人騎執佩
橫刀戎服大袍橫行正道每騎前後二人騎爲二重前引後

護皆佩弓箭橫刀戎服大袍次副竿二分左右各一人騎執
次細引六重皆騎佩橫刀每重二人自龍旗後屬于細仗稍
弓箭相間廂各果毅都尉一人主之次率更丞二人府史二
人騎從領鼓吹次誕馬十分左右執者各二人次廐牧令一
人居左丞一人居右各府史二人騎從次左右翊府郎將二
人主班劔次左右翊衛二十四人執班劔分左右次通事舍
人四人司直二人文學四人洗馬二人司議郎二人居左太
子舍人二人居右中允二人居左中舍人二人居右左右諭
德二人左右庶子四人騎分左右皆一人從次左右衛率府
副率二人步從次親勳翊衛廂各中郎將郎將一人皆領儀
刀六行第一親衛二十三人第二親衛二十五人皆執金銅

裝儀刀纁朱綬紛第三勳衛二十七人第四勳衛二十九人
皆執銀裝儀刀綠纁紛第五翊衛三十一人第六翊衛三十
三人皆執鍤石裝儀刀紫黃綬紛自第一行有曲折三人陪
後門每行加一人至第六行八人次三衛十八人騎分左右
夾路次金路駕四馬駕士二十三人僕寺僕馭左右率府率
二人執儀刀陪乘次左右衛率府率二人夾路各一人從居
供奉官後次左右內率府率二人副率二人領細刀弓箭皆
一人從次千牛騎執細刀弓箭次三儀衛刀仗後開牙門次
左右監門率府直長各六人執鍤石儀刀騎監後門次左右
衛率府廂各翊衛二隊皆騎在執儀刀行外厭角隊各三十
人騎佩橫刀一人執旗二人引二人夾十五人執稍七人佩

弓箭三人佩弩隊各卽將一人主之次繖二人執雉尾扇四
夾繖次腰轡一執者八人團雉尾扇二小方雉尾扇八以夾
腰轡內直郎二人主之各令史二人騎從次誕馬十分左右
馭者各二人次典乘二人各府史二人騎從次左右司禦率
府校尉二人騎從佩鍬石裝儀刀領團扇曲蓋次朱漆團扇
六紫曲蓋六各橫行次諸司供奉次左右清道率府校尉二
人騎佩鍬石裝儀刀主大角次副路駕四馬駕士二十二
人輶車駕一馬駕士十四人四望車駕一馬駕士十人次左右
廂步隊十六每隊果毅都尉一人領騎三十人戎服大袍佩
橫刀一人執旗二人引二人夾二十五人佩弓箭前隊持稍
與佩弓箭隊以次相間次左右司禦率府副率各一人騎檢

校步隊二人執纛稍騎從次儀仗左右廂各六色每色九行
行六人赤綦襖冒行滕鞵轂第一戟赤斨六人第二弓箭六
人第三儀鉞毬六人第四刀楯六人第五儀鎧五色旛六人
第六油戟六人次前仗首左右廂各六色每色三行行六人
左右司禦率府二人果毅都尉各一人主帥各六人主之次
左右廂各六色每色三行行六人左右衛率府副率二人果
毅都尉各一人主帥各六人主之左右司禦率府主帥各六
人騎護後率及副率各一人步後廂有絳引旛十二引前者
六引後者六廂各有獨揭鼓六重重二人居儀仗外受仗內
皆赤綦襖冒行滕鞵轂左右司禦率府四重左右衛率府二
重次左右廂皆百五十人左右司禦率府各八十六人左右

率府各六十四人赤褰襖冒主受分前後居步隊外馬隊
內各司禦率府果毅都尉一人主之各一人騎從廂各主帥
七人左右司禦率府各四人左右衛率府各三人騎分前後
次左右廂馬隊廂各十隊隊有主帥以下三十一人戎服大
袍佩橫刀騎隊有旗一執者一人引夾各二人皆佩弓箭十
六人持稍七人佩弓箭三人佩弩第一左右清道率府果毅
都尉二人主之第二第三第四左右司禦率府果毅都尉二
人主之第五第六第七左右衛率府果毅都尉主之第八第
九第十左右司禦率府果毅都尉二人主之皆戎服大袍佩
弓箭橫刀次後拒隊旗一執者佩橫刀引夾路各二人佩弓
箭橫刀次清道率府果毅都尉一人領四十騎佩橫刀凡執

稍二十人佩弓箭十六人佩弩四人騎從次後拒隊前當正道及仗內有牙門次左右廂各有衙門三第一當左右司禦率府步隊後左右衛率府步隊前第二當左右衛率府步隊後左右司禦率府儀仗前第三當左右司禦率府儀仗後左右衛率府步隊前每門二人執四人夾皆騎赤綦襖黃袍冒門有監門率府直馬二人檢校左右監門率府副率各二人檢校諸門各一人騎從次左右清道率府副率各二人檢校仗內不法各一人騎從次少師少傅少保正道乘路備鹵簿文武以次從若常行常朝無馬隊鼓吹金路四望車家令率更令詹事太保太師少保少師又減隊仗三之一清道儀刀鎗馬皆減半乘輅車而已二傳乘犢車導從十人太傅加清

道二人皇太子妃鹵簿清道率府校尉六人騎分左右爲三
重佩橫刀弓箭次青衣十人分左右次導客舍人四人內給
使六十人皆分左右後屬內人車次偏扇團扇方扇各十八
分左右宮人執者間綵衣革帶次行障四坐障二宮人執以
夾車次典內二人騎分左右次厭翟車駕三馬駕士十四人
次閣帥二人領內給使十八人夾車次六柱二內給使執之
次供奉內人乘犢車次繖一雉尾扇二團扇四曲蓋二皆分
左右各內給使執之次戟九十執者絳綦襖冒分左右

五代漢乾祐中始置主輦十六人奉足一人掌扇四人持踏
牀一人並服文綾袍銀葉弓腳幙頭尙宮一人寶省一人高
鬟紫衣書省二人紫衣弓腳幙頭新婦二人高鬟青袍大將

二人紫衣弓腳幞頭童子執紅絲拂二人高鬟髻青衣執犀盤二人帶髡頭黃衫執翟尾二人帶髡頭黃衫雞冠二人紫衣分執金灌器唾壺女冠二人紫衣執香爐香盤分左右以次奉引

宋因之太宗太平興國初增玉輦二十四人改服高腳幞頭簪頭一人衣紫繡袍持金塗銀仗以督領之奉珍珠七寶翠毛華樹二人衣緋袍奉金寶山二人衣綠繡袍奉龍腦合二人衣緋銷金袍竝高腳幞頭執拂翟四人髡頭衣黃繡袍舊衣綾袍紫衣者悉易以銷金及繡復增司簿一人內省一人司儀一人司給一人皆分左右前導凡一十七行每正至御殿祀郊廟步輦出入至長春殿用之其乘輦則屈右足垂左

足而憑几蓋唐制也皇太后出入儀衛御龍直都頭二人長
行二十五人骨朵子直都頭二人長行四十人弓箭直都頭
二人長行二十五人弩直都頭二人長行二十五人殿前指
揮使兩班各都知一人行門各二人長行各一十人帶器械
皇城司禁衛一百人寬衣天武一百五十人打燈籠子親事
官八十人入內都知御藥院官各一員內東門司使臣二員
御輦院短燈教駿攏馬親事官入內院子諸司并入內侍
省祇應內品人數不定神宗嗣位詔太皇太后儀範已定皇
太后合設儀衛御龍直骨朵子直差都虞候都頭副都頭各
一人十將長行各共三十人弓箭直弩直差指揮使都頭副
都頭各一人十將長行各共二十人皇城司親從官一百人

執骨朵寬衣天武官百五十人充圍子行宮司人員共一百
人入內院子五十人充圍子皇城司親事官八十人打燈籠
短鎧馬攏馬親從官金銅車棧車隨車子祇應人擎褥子供
御輦官執擎從物等供御次供御并下都輦直等人數不定
都知一員御藥院使臣二員內東門司使臣二員內酒坊御
厨法酒庫儀鸞司乳酪院翰林院翰林院車子院御膳素厨
化成殿果子庫並從遇出新城門添差帶器械內臣元祐元
年添御龍骨朵子直三十六人御龍弓箭直四十五人御龍
鸞直四十五人皇城司禁衛五十人馬隊三百五十人東西
班茶酒班殿侍共一百人快行增至二十人軍頭引見司監
官二員並將帶承局等子依隨駕例祇應鈞容直并勦樂殿

侍則候開樂取旨

緇興奉迎太母儀從器物惟塗金與前用黃羅繖扇二排黃繡雉扇六紅黃排金拂

扇二黃羅暖扇二

朝謁景靈宮太廟則用禁衛諸班直天武親從五百人其前引中道園子同上皇儀衛而差省焉

皇

太妃出入儀衛龍鳳扇二十侍從官入內省都知或押班一

員內侍省都知或押班一員皇城司御藥院內東門司各一

員帶御器械內侍八員引喝內侍一員殿前指揮使三十二

人內人員二人御龍直三十三人骨朵子直三十三人弓箭

直二十三人弩直二十三人天武官一百五十四人皇城司

禁衛一百人入內院子五十人行宮司一百人輦官供御六

十二人次供御四十九人下都五十八人燭籠七十諸司御

燎子茶牀快行親從四人崇甯元年約聖瑞皇太妃之制出

入由宣德正門增龍鳳扇二十御龍直十二人御龍骨朵子

直十七人御龍弓箭直十二人御龍弩直二十二人殿前指揮十三人皇城司禁衛二十人快行親從官四人執燭皇城司親從官金銅車并樓車隨時定數供須行幸藥加一坐司當官吏人二員封題一員藥童三人擡檠藥架輦官十一人秤庫子親事官壘差人數祇應禮部太常寺奏典禮準聖瑞皇大妃例侍從官入內內侍省都知或押班一員皇城御藥內東門司官各一員御輦院輪官隨從諸司御燎子茶牀帶御器械內侍十人引喝內侍一人輿用龍鳳繖紅黃兼用出入由宣德東門今欲出入由宣德正門龍鳳扇二十柄今添作三十柄輦官供御六十二人次供御四十九人都下五十八人御龍直三十三人今添作四十五人御龍骨朵子直三

十三人今添作五十人御龍弓箭直三十三人今添作四十
五人御龍弩直二十三人今添作四十五人殿前指揮二十
二人今添作四十五人內臣二人皇城司一百人禁衛今添
作一百二十人天武官一百五十四人行官司一百人入內
院子五十人快行親從官四人今添作八人執燭皇城司親
從官金銅車并樓車隨時內中批出合要數供須行幸藥架
一坐句當官一員吏人二員封題一員藥童三人擡藥藥架
輦官十一人秤庫子親事官量差人數祇應皇后出入朝謁
宮廟用應奉御輦官一員人吏三人供應六十三人內人員
十五人頭帽紫羅四袂單衫金塗銀柘枝腰帶肩輦輦官四
十八人幘頭緋羅單衫金塗海捷腰帶紫羅表夾三襜緋羅

看帶次供應十四人內人員一人服同上惟海捷帶輦官一

十三人服同肩輦官惟行獅帶都下五十四人內人員一人

輦服同前輦官五十三人服同上輦官惟雲鶴帶皇后鹵簿

之制清游隊旗一

執一人引二人夾二人並騎

金吾衛折衝都尉一員騎

執輦稍

二人夾領四十騎執稍二十人弩四人橫刀一十六人次虞

候仗飛三十八騎次內僕內僕丞各一員

各書令史二人並騎

次正道

黃麾

執一人夾二人並騎

次左右廂黃麾仗廂各三行左右領軍衛左

右威衛左右武衛左右驍衛左右衛等各三行並依唐制果

毅都尉各一檢校

各一人步從

左右領軍衛絳引旗引前掩後各

六次內謁者監四人給事內常侍內侍各二人並騎

內給使各一人

步次內給使一百二十人次偏扇團扇方扇各二十四次香

燈一次執擎內給使四人

在重翟車前

次重翟車駕青馬六駕士

二十四人行障六坐障三夾車並宮人執次內寺伯二人騎

領寺人六人分左右夾重翟車次腰輿一輿士團雉尾扇二

夾輿次大纛四大雉尾扇八錦花蓋二小雉尾扇朱畫團扇

各十二錦曲蓋二十錦六柱八

扇白腰輿以下次宮人車次

各十二錦曲蓋二十錦六柱八

絳麾二

各一人執

一次正道後黃麾一

執一人夾二人並騎

次供奉宮人次厭

翟車駕赤騶翟車駕黃騶安車駕赤騶各四駕士各二十四

人四望車耕根車各駕牛三駕士各一十二人次左右廂各

置牙門二

每門執二人夾四人一在前黃麾前一在後黃麾後

次左右領軍衛每廂各

一百五十人執受帥兵官四人檢校次左右領軍衛折衝都

尉各一員檢校受仗

各一人騎後

次後受仗內正道置牙門一每

門監門檢校二人騎每廂各巡檢校尉一員騎來往檢校前
後部鼓吹金鉦擗鼓大鼓長鳴中鳴鑼吹羽葆鼓吹節鼓御
馬竝減大駕之半皇太子鹵簿之制家令率更令詹事各乘
輅車太保太傅太師乘輅各正道威儀鹵簿依本品次清游
隊旗執一人引二人竝正道清道率府折衝都尉一員領二十
騎執稍一十八人弓矢九人弩三人二人騎從折衝次左右
清道率府率各一員領清道直盪及檢校清游隊龍旗等執
纛稍各二人次外清道直盪二十四人騎次正道龍旗各六
執一人前二人副竿二執各一人次正道細仗引爲六重每重
引後二人二人騎
二人自龍旗後均布至細仗稍與弓箭相間竝騎每廂各果
毅都尉一員領次率更丞一員次正道前部鼓吹府史二人

領鼓吹竝騎擗鼓金鉦各二

執各一人夾二
人以下準此

帥兵官二人次

大鼓三十六橫行

長鳴以下準此

帥兵官八人長鳴三十六帥兵官

二人鑣吹一部鑣鼓二

各執一人夾二人
後部鑣節鼓準此

簫笳各六帥兵官

二人擗鼓金鉦各二帥兵官二人次小鼓三十六帥兵官四

人中鳴三十六帥兵官二人以上竝騎次誕馬十

每匹二人
控餘準此

廋牧令丞各一員

各府史二人
騎從

次左右翊府郎將各一員領班

劔左右翊衛執班劔二十四人通事舍人四人司直二人文

學四人洗馬司議郎太子舍人中允中舍左右諭德各二人

左右庶子四人竝騎

自通事舍人以
後各步從一人

次左右衛率府副率各

一員步從親勳翊衛每廂各中郎將郎將一員竝領六行儀

刀第一行親衛二十三人曲折三人第二行親衛二十五人

曲折四人第三行動衛二十七人曲折五人第四行動衛二

十九人曲折六人第五行動衛三十一人曲折七人第六行

翼衛三十三人曲折八人曲折人並部後門以上三衛並騎次三衛

一十八人騎中郎將二人夾輅在六行儀刀仗內金輅駕馬

四僕寺僕馭左右率府率一員駕士二十二二人夾輅左右衛

率府率各一員各步從一人次左右內率府率各一員副率各一

員並騎各步從一人次千牛騎執細刀弓矢三衛儀刀仗後開牙

門次左右監門率府直長各六人監後門並騎次左右衛率府

每廂各翼衛二隊並騎次厭角隊各三十人執旗二人引二人夾二人

執稍一十五人弓矢七人弩三人每隊各郎將一員領次正

道轍二雉尾扇四夾轍次腰輿一輿士八人團雉尾扇一小

方雉尾扇八

夾執各一人

次內直郎令史各二人騎從檢校次

馬十典乘二人府史二人騎從次左右司禦率府校尉各一

人

並騎

領團扇曲蓋次朱團扇紫曲蓋各六

執各一人

次諸司供

奉官人次左右清道率府校尉各一人

並騎

領大角三十六饒

鼓二簫笳各六帥兵官二人橫吹十節鼓一笛簫鶯栗五帥

兵官二人

並騎

次管轄指揮使二人檢校次副輅駕四馬駕士

二十人輅車駕一馬駕士十四人四望車駕一馬駕士十

人次左右廂步隊凡十六每隊各果毅都尉一人領

並騎隊三

十人執旗一人

引二人夾二人並帶弓矢騎

步二十五人前一隊執稍一

隊帶弓矢以次相間

左右司禦率府左右衛率府廂各四隊二在前二在後

次左右司

禦率府副率各一員檢校步隊各二人執幟稍騎從次儀仗

左右廂各六色色九行行六人前第一行戟赤麾第二行弓矢第三行儀鉞并旄第四行刀盾第五行儀鎧五色幡第六行油戟次前仗首左右廂各六色色三行行六人左右司禦率府各一員果毅都尉各一員帥兵官各六人領次左右廂各六色色三行行六人左右衛率府副率各一員果毅都尉各一員帥兵官各六人領次盡後鹵簿左右廂各六色色三行行六人左右司禦率府副率各一員各一人步從果毅都尉各一人帥兵官各六人領左右司禦率府率兵官各六人護後竝騎每廂各絳引幡十二執各一人引前旗六引後旗六揭鼓十二揭鼓左右司禦率府各一員次左右廂各一百十人左右司禦率府各一員竝分前後在步隊儀仗外馬隊內前接六旗後盡率府各六十四人

鹵簿曲折至門每廂各司禦率府果毅都尉一員檢校各二

人從每廂各帥兵官七人

並騎左右司禦率府各四人左右率府各三人

次馬隊左

右廂各十隊每隊帥兵官以下三十一人旗一

執一人引二人夾二人

執稍十六人弓矢七人弩三人前第一隊左右清道率府果

毅都尉各一員領第二第三第四隊左右司禦率府果毅都

尉各一員領第五第六第七隊左右衛率府果毅都尉各一

員領第八第九第十隊左右司禦率府果毅都尉各一員領

次後拒隊旗一

執一人引二人夾二人

清道率府果毅都尉一員領四

十騎執稍二十人弓矢十六人弩四人又二人騎從次後拒

隊前當正道受仗行內開牙門次左右廂各開牙門三前第

一門左右司禦率府步隊後左右率府步隊前第二門左右

衛率府步隊後司禦率府儀仗前第三門左右司禦率府儀

仗後左右衛率府步隊前

每開牙門執旗二人夾四人並騎

監門率府直長

各二人並騎次左右監門率府副率各一員騎來往檢校諸

門各一人騎從次左右清道率府副率各三人仗內檢校并

糾察各一人騎從次少師少傅少保正道乘輅威儀鹵簿各

依本品次文武官以次陪從皇太子妃鹵簿之制清道率府

校尉六人騎次青衣十人次導客舍人四人內給使六十人

偏扇團扇方扇各十八人

並宮人

執行障四坐障二夾車

宮人

典內

二人騎厭翟車駕三馬駕士十四人次閣帥二人領內給使

十八人夾車六柱二扇內給使執次供奉內人乘犢車次轍

一正道雉尾扇二團扇四曲蓋二

執轍扇各內給使二人

次戟九十南

渡後皇太子出行皆乘馬止以宮僚導從有繖扇而無圍子
用三接青羅繖一紫羅障扇四人從指使二人直省官二人
客司四人親事官二十人輦官二十人翰林司四人儀鸞司
四人厨子六人教駿四人背印二人步軍司宣效一十人步
司兵級七十八人防警兵士四人朝位在三公上扈從在駕
後方圍內皇太子妃出入惟乘檐子三接青羅繖一黃紅羅
障扇四人從以皇太子府親事官充輦官前執從物檐子前
小殿侍一人抱塗金香毬先驅則教駿兵士兩止

金皇太后皇后鹵簿用唐宋制共二千八百四十人天德二
年海陵立后皇后乘龍飾肩輿有司設二步障於殿之西階
設扇左右各十繖一皇太后導從六十人傘子不在數內並

服簇四盤周團花紅錦襖金花幘頭塗金銀束帶永壽永甯

宮導駕各三十人傘子各一人皇太子止用千人太子常行

儀衛導從六十二人傘子二人並服梅紅繡羅雙盤鳳襖金

花幘頭塗金銀束帶凡從物鑄鑼唾盂水罐等事並用銀金

飾傘用梅紅羅坐麒麟金浮圖椅用金鍍銀圈雙戲麒麟椅

背紅絨繅結殿庭與宴祿用繡羅間金盤鳳卓衣則用繡羅

獨角間金盤獸東宮視事朱髹飾椅塗金銀獸啣紅絨繅結

明金團花椅背案衣則用素羅色皆梅紅蒙帕踏腳同諸妃

嬪導從四十人幘頭繡盤蕉紫衫塗金束帶妃用偏肩方肩

團扇各十六諸嬪各十四皆宮人執服雲腳紗帽紫四襖衫

束帶綠鞞大傘各一傘子二人就用本服錦襖幘帶大長公

主導從一十二人皇妹皇女一十人並服紫羅襪背葵花夾襖盤裹幘頭大佩銀腰帶牙仗各二其諸宗室女各以親疏差降之傘制皇太子三位妃皆青羅表紫裏金浮圖親王公主王妃金鍍銀浮圖郡主縣主夫人銀浮圖皆青表紫裏諸臣下母妻各從其夫子勳封品級用傘

元宮內導從警蹕三人以控鶴衛士爲之並列而前行掌鳴鞭以警眾

服見儀衛篇

天武二人執金鉞分左右行金兜鍪金甲

蹙金素汗胯金束帶綠雲韉舍人二人服視四品主服御者凡三十人

舒庫爾齊也

執骨朵二人執幢二人執節二人皆分左

右行攜金盆一人由左負金椅一人由右攜金水瓶鹿盧一人由左執巾一人由右捧金香毬二人捧金香合二人皆分

左右行捧金唾壺一人由左捧金唾盂一人由右執金拂四人執升龍扇十人皆分左右行冠交角幘頭服紫羅窄袖衫塗金束帶烏鞞劈正斧官一人由中道近侍重臣攝之侍儀使四人分左右行佩弓矢十人

國語曰和爾齊

分左右由外道行服

如主服御者佩寶刀十人

國語曰伊勒都齊

分左右行冠鳳翅唐巾

服紫羅瓣線襖金束帶烏鞞中宮導從舍人二人引進使二人中政院判二人同簽中政院事二人簽中政院事二人中政院副使二人同知中政院事二人中政院使二人皆分左右行各服其本品公服內侍二人分左右行服視四品押直二人冠交角幘頭紫羅窄袖衫塗金束帶烏鞞小內侍凡九人執骨朵二人執葆蓋四人皆分左右行執纛一人由中道

行攜金盆一人由左負金椅一人由右服紫羅團花窄袖衫
冠帶鞞如押直中政使一人由中道捧外辦象牌服本品朝
服宮人凡二十二人攜水瓶金鹿盧一人由右執銷金淨巾
一人由左捧金香毬二人捧金香合二人分左右捧金唾壺
一人由左捧金唾盂一人由右執金拂四人執雉扇十人各
分左右行冠鳳翅縷金帽銷金緋羅襖銷金緋羅結子銷金
緋羅繫腰紫羅衫五色嵌金黃雲肩瓏玉束帶

明皇后儀仗洪武元年定丹陛儀仗三十六人黃麾二戟五
色繡旛六戈五色繡旛六鐙五色錦旛六小雉扇四紅雜花
團扇四錦曲蓋二紫方纛二紅大纛四丹墀儀仗五十八人
班劍四金吾杖四立瓜四臥瓜四儀刀四鐙杖四骨朵四斧

四響節十二錦花蓋二金交椅一金腳踏一金水盆一金水
罐一方扇八宮中常用儀衛二十人內使八人色繡旗二金
斧二金骨朵二金交椅一金腳踏一宮女十二人金水盆一
金水罐一金香爐一金香合一金唾壺一金唾盂一拂子二
方扇四永樂元年增製紅杖一對太皇太后皇太后儀仗與皇后同皇太子
儀仗洪武元年定門外中道設龍旗六其執龍旗者並戎服
黃旗一居中左前青旗一右前赤旗一左後黑旗一右後白
旗一每旗執弓弩軍士六人服各隨旗色殿下設三十六人
絳引旛二戟斨六戈斨六鏐斨六羽葆幢六青方纛二青小
方扇四青雜花團扇四皆校尉擎執殿前設四十八人班劍
四吾杖四立瓜四臥瓜四儀刀四鐙杖四骨朵四斧四響節

十二金節四皆校尉擎執殿門設十二人金交椅一金腳踏
一金水罐一金水盆一青羅團扇六紅圓蓋二皆校尉擎執
殿上設六人金香爐一香合一唾盂一唾壺一拂子二皆內
使擎執永樂二年禮部言東宮儀仗有司失紀載視親王差
少宜增製金香爐金香合各一盃二叉二傳教告止信幡各
二節二幢二夾稍二稍刀盾各二十戟八紅紙油燈籠六紅
羅銷金邊圓繖紅羅繡圓繖各一紅羅曲蓋繡繖紅羅素圓
繖紅羅素方繖青羅素方繖各二紅羅繡孔雀方扇紅羅繡
四季花團扇各四拂子二唾盂唾壺各一鞍籠一誕馬八紅
令旗二清道旗四嚮弩一白澤旗二弓箭二十副從之皇妃
儀仗紅杖二清道旗二絳引旛二戈斃戟斃儀鎗斃吾杖儀

刀班劍立瓜臥瓜鐙杖骨朵金鉞各二響節四青方繖四紅繖圓繖一繖方扇四紅花圓扇四青繖圓扇四交椅一腳踏一拂子二水盆一水罐一香爐一香合一唾盂一唾壺一紅紗燈籠四東宮妃儀仗紅杖二清道旗二絳引旛二儀鎧擎戈擎戟擎吾杖儀刀班劍立瓜臥瓜鐙杖骨朵金鉞各二響節四青方繖二紅素圓繖二紅繖圓繖一紅繖方扇四紅繖花圓扇四青繖圓扇四交椅一腳踏一拂子二水盆一水罐一香爐一香合一紅紗燈籠四親王妃儀仗紅杖二清道旗二絳引旛二戟擎吾杖儀刀班劍立瓜臥瓜骨朵鐙杖各二響節四青方繖二素紅繖雲鳳繖一青孔雀圓扇四紅花扇四交椅一腳踏一水盆一水罐一紅紗燈籠四拂子二公主

世子妃儀仗俱同郡王妃儀仗紅杖二清道旗二絳引幡二戟筆吾杖班劍立瓜骨朵各二響節二青方纛二紅圓纛一青圓扇二紅圓扇二交椅一腳踏一拂子二紅紗燈籠二水盆一水罐一郡主儀仗紅杖二清道旗二班劍吾杖立瓜骨朵各二響節二青方纛一紅圓纛一青圓扇二紅圓扇二交椅一腳踏一水盆一水罐一紅紗燈籠二拂子二

論曰古者婦人不預外事送迎不出門閭惟歲享于太廟春蠶于北郊二者后必躬往其往也必有車騎徒從之盛以肅道路臣庶之觀瞻周禮巾車內小臣諸職是其事也然而抗尊九重深居簡出一歲之中固不數數然矣自春秋以來列侯驕淫無度其妃妾嬪御率皆化

而效之內崇臺榭之美外極遊衍之樂至魯桓公微弱不振恣其夫人文姜爲禽獸之行卒釀弑逆之禍是以齊人傷其事而歌刺焉敝笱之詩曰齊子歸止其從如雲又曰齊子歸止其從如水載馳之詩曰魯道有蕩齊子發夕又曰魯道有蕩齊子翱翔夫以母儀一國之人而挾其姪嬭婢妾之眾相與馳騁於二境之上固宜閭巷之所驚駭道途之所指目而況重以淫亂之事中葺之醜乎莊公在魯非有大無道之行徒曰內不能秉禮以防閑其母外不能伸大義以復先君之仇是以春秋詩人交致其譏貶之詞箴與鄭莊許止無已異然則人主牽於柔道不自振興惟欲經營於車馬儉從之麗與

夫猶賞賚予之繁以求博母后旦夕之一娛是之謂不能奉承其母而陷親于不義之途如魯莊公之事乃萬世之大戒也後唐同光之末兩河大水百姓愁怨號泣道路而帝方與其后日荒于遊畋后率後宮皇子畢從金鎗衛兵萬騎所至賁民供給民不勝其擾明年宰相請出庫物賞賜軍士后執不許未幾而有魏州之變帝死于亂中后亦出奔爲尼以歿故夫快目前之欲忘久遠之患至于府庫告竭師旅薦臻舉天下以爲亡國傾城之妖莫大乎是而其人方儻然自以爲無窮之樂古今敗亡有同一轍噫其可哀也哉